

四庫全書

集部

欽定四庫全書

李太白集分類補註卷十八

宋 楊齊賢 集註

元 蕭士贇 補註

送

送韓侍御之廣德

昔日繡衣何足榮  
今宵貰酒與君傾  
暫就東山賒月色

酣歌一夜送泉明

士贇曰繡衣貰酒東山事見前

白雲歌送友人

楚山秦山多白雲白雲處處長隨君君今還入楚山裏  
雲亦隨君度湘水水上女蘿衣白雲早卧早行君早起

士贇曰此詩已見六卷  
持首尾不同故兩存之

送通禪師還南陵隱靜寺

我聞隱靜寺山水多奇蹤巖種朗公橘門深杯渡松道

人制猛虎振錫還孤峯他日南陵下相期谷口逢

齊賢曰傳

燈錄婺州有本陳從朗禪而劉宋時杯渡者不知姓名  
常來木杯渡水惠忠禪師居禪祚寺有供僧谷兩廩盜

若窺虎而守之縣令張遜至山頂謁問師有何徒弟師曰有三五人遜曰如何得見師敲禪牀有三虎哮吼而出遜驚怖而退永嘉真覺禪師初至曹溪參六祖遠繩牀三匝振錫而立唐南陵縣隸宣州士贇曰冥祥記沙門康法朗晉永嘉中人也

### 送友人

青山橫北郭白水遶東城此地一為別孤蓬萬里征浮雲遊子意落日故人情揮手自茲去蕭蕭班馬鳴

士贇曰孤

蓬草也無根而隨風飄轉者自喻客遊也

### 送別

斗酒渭城邊，壚頭醉不眠。梨花千樹雪，楊葉萬條煙。惜

別傾壺醕，臨分贈馬鞭。看君頽上去，新月到應圓。齊賢曰：唐

頽上縣隸頽州汝陰郡

### 江上送女道士褚三清遊南嶽

吳江女道士，頭戴蓮花巾。霓裳不濕雨，特異陽臺雲。足

下遠遊履，凌波生素塵。倦尋向南嶽，應見魏夫人。齊賢曰：太

霄經曰：人行大道，謂之道士。周穆王因尹執制樓觀，遂

名幽逸之人為道士。集仙錄：魏夫人者，任城人。晉魏舒

女名華，存字賢安，好道。適南陽劉文字幼彥，生二子，曰

璞，曰遐。二子粗立，乃齋於別寢，將逾三月，太極真人等

來降授神真之道在世八十三年以晉成帝咸和九年  
清虛真人王褒與陳華青童為夫人成藥兩劑服之白  
日上昇領上真司命南嶽夫人比  
秩仙公使治天台大霍仙洞臺中

### 送友人入蜀

見說蠶叢路崎嶇不易行山從人面起雲傍馬頭生芳

樹籠秦棧春流遶蜀城升沈應已定不必問君平

士贊曰蠶

叢棧道又嚴君平賣卜於成都市中見前

### 送趙雲卿

白玉一杯酒綠楊三月時春風餘幾日兩鬢各成絲秉

燭唯須飲投竿也未遲如逢渭川獵猶可帝王師

士贇曰西

伯出力得呂尚於渭川迎以為師事見前卷

### 送李青歸南葉陽川

伯陽仙家子容色如青春日月秘靈洞雲霞辭世人化

心養精魄隱几宵天真莫作千年別歸來城郭新

齊賢曰神

仙傳老子名耳字伯陽楚國苦縣曲仁里人其母感大流星而有娠雖受氣天然見於李家猶以里為姓內經云老子黃白色美鬚廣面長耳大目踈齒方口厚脣頰有三五達理曰角月懸鼻純骨雙柱耳有三漏門足蹈三五手指十文以周文王時為守藏史武王時為柱下史時俗見其久壽故號老子

送舍弟

吾家白額

一作馬

駒遠別臨東道他日相思一夢君應得

池塘生春草

士贇吾家白額駒是用涼武昭王事也按晉史武昭王萬字玄盛姓李氏前漢將軍

李廣之十六世孫玄盛少好學長習武藝與呂光太史令郭馨及其同母弟宗繇同宿馨起謂繇曰君當位極人臣李君有國士之分家有驕黃馬生白額駒此其時也呂光末京兆段業自稱涼州牧署玄盛效穀令會燉煌太守孟敏卒於是護軍郭謙等以玄盛溫毅有惠政推為燉煌太守玄盛初難之會宗繇仕於鄴告歸燉煌言於玄盛曰兄忘郭馨之言耶白額駒今生矣玄盛乃從之自是霸有秦涼遷都酒泉及薨國人上謚曰武昭王至唐朝尊上謚號曰興聖皇帝此言吾家白馬駒者亦謂同所自出云爾亦老杜詩龍準自與常人殊之意



也

送別得書字

水色南天遠舟行若在虛遷人發佳興吾子訪閒居日

落看歸鳥潭澄羨

一作憐

躍魚聖朝思賈誼應降紫泥書

齊賢曰賈誼在長沙歲餘微見隴右記階  
州武都郡紫水有泥其色亦紫用封璽書

送麴十少府

試發清秋興因為吳會吟碧雲斂海色流水折江心我

有延陵劍君無陸賈金艱難此為別惆悵一何深

齊賢曰孝

惠時呂后用事陸賈自度不能爭乃病免有五子出使越索中裝賣千金分其子子二百金令為生產延陵季子掛劍徐君墓事見前

送張秀才謁高中丞

并序

余時繫尋陽獄中正讀留侯傳秀才張孟熊蘊滅胡之策將之廣陵謁高中丞余喜子房之風感激於斯人因作是詩以送之

秦帝淪玉鏡

一作六雄滅金虎

留侯降氛氲感激黃石老經過

滄海君壯士揮金槌報讐六國聞智勇冠終古蕭陳難

與羣

齊賢曰雖書曰余失金鏡喻明道也漢張良傳秦滅韓良遂以家財求刺客刺秦王為韓報仇東見滄

海君得力士為鐵鎚重百二十斤徂擊秦皇帝博浪沙中誤中副車秦帝大怒大索天下求賊甚急良乃逃匿

下邳嘗縱步遊下邳圯上有一老父衣褐至良所直墮其履圯下曰孺子下取履良愕然下取履因長跪進之

父以足受笑曰孺子可教後五日平明與我會此出一編書曰讀此則為王者師後十年陳涉起沛公畧地至

下邳而張良遂屬焉士賁曰蕭陳謂蕭何陳平也兩龍爭鬪時天地動風雲酒

酣一作縱橫舞長劍倉卒解漢紵宇宙初倒懸鴻溝勢將分

英謀信奇絕夫子揚清芬一作夫子稱卓絕超然繼清芬胡月入紫微

三光亂天文高公鎮淮海談笑却妖氛採爾幕中畫戡

難光殊勲我無燕霜感玉石俱燒焚但洒一行淚臨岐

竟何云

齊賢曰兩龍為漢高及項羽也史記項王乃與漢約中分天下割鴻溝以西為漢東為楚胡

山也祿山死日太白食月甘氏星經紫微宮大帝座天子常居日月星為三光鄒衍畫忠於燕王疎之初仰天而嘆六月為之降霜尚書火災崑岡玉石俱焚士贇曰應劭曰不醒不醉曰酣

### 尋陽送弟昌峒鄱陽司馬作

桑落洲渚連滄江無雲煙尋陽非剡水忽見子猷船  
飄然欲相近來遲杳若仙人乘海上月帆落湖中天一  
觀無二諾朝歡更勝昨爾則吾惠連吾非爾康樂朱紱

白銀章上官佐鄱陽松門拂中道石鏡迴清光搖扇及  
于越水亭風氣涼與爾期此亭期在秋月滿時過或未  
來兩鄉心已斷吳山對楚岸彭蠡當中州相思定如此

有窮盡年愁

齊賢曰杜佑云彭澤地今為都昌有桑落洲九域志隸江州尋陽郡王子猷雪夜訪

戴安道於剡中見前謝惠連靈運族弟靈運襲封康樂公禮大夫緱色皆黃朱其體前方後挫角其繪山漢儀銀印在龜紐其文曰章謂刻曰某官之章司馬郡之佐也顧野王輿地志自入湖三百三十里窮於松門東西四十里青松嶺於兩峯張僧鑒尋陽記石鏡山東有一圓石懸崖明淨照人見形韋昭曰越邑今鄱陽餘干縣

也是也

餞校書叔雲

少年費白日歌笑矜朱顏不知忽已老喜見春風還惜  
別且為歡徘徊桃李間看花飲美酒聽鳥臨晴山向晚  
竹林寂無人空閉關

送王孝廉覲省

彭蠡將天合姑蘇在日邊寧親候海色欲動孝廉船窈  
窕晴江轉參差遠岫連相思無晝夜東泣似長川

齊賢曰姑

蘇臺隸吳郡以其近東海日出之地故云日邊劉恢為  
丹陽尹張憑詣恢恢留宿明日還船須臾恢出求張孝

欽定四庫全書

卷十八

廉船召同載  
時人榮之

同吳王送杜秀芝赴舉入京

秀才何翩翩王許回也賢  
暫別廬江守將遊京兆天秋

山宜落日秀木出寒煙  
欲折一枝桂還來鴈沼前

齊賢曰唐

吳王祗元宗時為陳留太守持節河南道節度採訪使子獻嗣王論語賢哉回也廬江郡京兆府京兆郡士贇曰左雄傳論曰漢舉賢良方正州郡舉孝廉秀才亦貢士之方也

洞庭醉後送絳州呂使君果流澧州

昔別若夢中天涯忽相逢  
洞庭破秋月縱酒開愁容  
贈

劍刻玉字延平兩蛟龍送君不盡意書及鴈迴峯

士贊曰劍

至延平津躍水化龍及迴鴈峯事見前

與諸公送陳郎將歸衡陽

并序

仲尼旅人文王明夷苟非其時聖賢低眉況僕之不肖者而遷逐枯槁固非其宜朝心不開暮髮盡白而登高送遠使人增愁陳郎將義風凜然英思逸發來下曹城之擲去邀才子之詩動清興於中流泛素波而徑去諸公仰望不及連章祖之序慙起予輒冠名



賢之首作者咄我乃為撫掌之資乎

衡山蒼蒼入紫冥下看南極老人星迴颺吹散五峯雪  
往往飛花落洞庭氣清嶽秀有如此郎將一家拖金紫  
門前食客亂浮雲世人皆比孟嘗君江上送行無白璧

臨歧惆悵若為分

齊賢曰甘氏星經老人一星在弧南為南極星主壽常以秋分日見去參

三大出丙入丁丑時候之出三十日却沒見斯大赦天下安王者壽五峯為祝融紫蓋天柱石廩芙蓉峯也

送趙判官赴黔府中丞叔幕

廓落青雲心結交黃金盡富貴翻相忘令人忽自哂  
踴

蹬鬢毛斑盛時難再還巨源咄石生何事馬蹄間綠蘿

長不厭却欲還東山

齊賢曰衆敝金盡事見前踏蹬失勢貌山濤字巨源辟河南從事與

石鑒共宿濤夜起蹴鑒曰今何等時而眠耶知太傅即何意鑒曰宰相不朝斥令歸第即何慮也濤曰咄石生無事馬蹄間耶投簪而去未二年君為魯曾子拜揖高

果有曾矣事東山會稽始寧也

堂裏叔繼趙平原偏承明主思風霜擢獨坐旌節鎮雄

藩虎士秉金鉞蛾眉開玉樽才高幕下去義重林中言

水宿五溪月霜啼三峽猿東風春草綠江上候歸軒

齊言

曰史記曾參武城人字子與孔子以為能通孝道故授之業作孝經唐制節度使賜雙旌雙節

送陸判官往琵琶峽

水國秋風夜殊非遠別時長安如夢裏何日是歸期

送梁四歸東平

玉壺挈美酒送別強為歡大火南星月長郊北路難殷

王期負鼎汶水起垂竿莫學東山卧參差老謝安

齊賢曰堯

典日永星火以正仲夏伊尹以滋味說湯呂尚以漁釣于西伯漢志太山郡汶水出萊州由西南入濟

江夏送友人

雪點翠雲裘送君黃鸝樓黃鸝振玉羽西飛帝王州鳳

無琅玕寶何以贈遠遊徘徊相顧影淚下漢江流

送郗昂謫巴中

瑤草寒不死移植滄海濱東風灑雨露會入天地春予若洞庭葉隨波送逐臣思歸未可得書此謝情人

齊賢曰傅毅七激曰暗君逐臣

江夏送張丞

欲別心不忍臨行情更親酒傾無限月客醉幾重春藉草依流水攀花贈遠人送君從此去回首泣迷津

士贇曰毛詩箋曰回首曰顧

賦得白鷺鷥送宋少府入三峽

白鷺拳一足月明秋水寒人驚遠飛去直向使君灘

送二季之江東

初發強中作題詩與惠連多慙一日長不及二龍賢西

塞當中路南風欲進船雲峯出遠海帆影挂清川禹穴

藏書地匡山種杏田此行俱有適遲爾早歸旋齊賢曰謝靈運

有登臨海嶠初發強中作與從弟惠連西塞山在鄂州  
廬山記匡俗結廬於山故號匡廬山董奉居廬山治疾

病重者種杏五株輕者一株  
號曰董仙杏林遲猶思也

江西送友人之羅浮

南昌

桂水分五嶺衡山朝九疑鄉關渺河西流浪將何之素

色愁明湖秋渚晦寒姿疇昔紫芳意已過黃髮期齊賢曰廣

州記云大庾始安臨賀桂陽揭陽是五嶺衡山一名岫嶺山眉當軫翼應機衡故曰衡山九疑見前唐安西大

都設府初治西州後徙治高昌故地又徙治龜茲而君故府復為西州交河郡士贇曰李善曰紫芳紫芝也

王縱疎散雲壑借巢夷爾去之羅浮我還憩峨眉中濶

道萬里霞月遥相思如尋楚狂子瓊樹有芳枝齊賢曰太白供

奉翰林道不合辭去詔賜金還山羅浮峨眉並見前

宣州謝朓樓餞別校書叔雲

一作陪侍御叔華登樓歌

棄我去者昨日之日不可留亂我心者今日之日多煩  
憂長風萬里送秋鴈對此可以酣高樓蓬萊文章建安  
骨中間小謝又清發俱懷逸興壯思飛欲上青天覽日  
月抽刀斷水水更流舉杯銷愁愁復愁人生一作男兒在世

不稱意明朝散髮弄扁舟

齊賢曰蓬萊指校書也建安末鄴中有魏太子王粲陳琳

徐幹劉楨應瑒阮瑀平原侯植等詩文皆入文選故曰建安骨也謝靈運子鳳字超宗器宇甚軒爽帝大嗟賞曰起宗殊有鳳毛族弟惠連十歲能屬文靈運嘉賞之云每有篇章對惠連輒得佳語謝朓字玄暉綽之子少學有美名善草隸長五言詩沈約嘗云二百年來無此詩也

宣城送劉副使入秦

君即劉越石雄豪冠當時淒清橫吹曲慷慨扶風詞虎  
嘯俟騰躍雞鳴遭亂離千金市駿馬萬里逐王師結交  
樓煩將侍從羽林兒統兵捍吳越豺虎不敢窺大勲竟

莫叙已過秋風吹

齊賢曰晉劉琨字越石少與范陽祖逖俱以雄豪著名元嘉元年為并州

刺史在晉陽嘗為胡騎所圍數重城中窘迫無計琨乃  
乘月登樓清嘯賊聞之皆淒然長歎中夜奏胡笳向曉  
復吹之賊棄圍而走祖逖與劉琨聞雞起舞及郭隗謂  
燕昭王以千金求千里馬事見前漢有善射者樓煩楚  
挑戰三合樓煩皆射殺之應劭曰樓煩胡也漢武帝太  
初元年初置建章營騎後更名羽林騎又取從軍死事



之子孫養羽林官教以九兵號曰羽林孤兒士賁曰劉越石扶風歌曰去家日已遠安知存與亡慷慨窮林中抱膝自秉鉞有季公凜然負英姿寄深且戎幕望重必昂藏

台司感激一然諾縱橫兩無疑伏奏歸北闕鳴騶忽西馳列將咸出祖英寮惜分離斗酒滿四筵歌嘯宛溪湄

君携東山妓我詠北門詩貴賤交不易恐傷中園葵齊賢

曰戎幕將幕也台司三公也蕭何立東闕北闕崔寔四民月令曰祖道神也黃帝之子好遠遊死於道路故祀以為道神以求道路之福宛溪隸宣州毛詩北門刺仕不得志也言衛之忠臣不得其志爾古詩採葵莫傷根結交莫羞貧採根葵昔贈紫騮駒今傾白玉卮同歡萬不生羞貧交不成

斛酒未足解相思此別又千里

一作此外別千里

秦吳渺天涯

月明關山苦水劇隴頭悲借問幾時還春風入黃池無

令長相憶折斷綠楊枝

士寶曰隴頭水見一卷註

### 涇川送族弟鐔

涇川三百里若耶羞見之錦石照碧山兩邊白鷺鷥佳  
境千萬曲客行無歇時上有琴高水下有陵陽祠仙人

不見我明月空相知問我何事來盧敖結幽期

齊賢曰涇縣若

耶琴高陵陽實子明得仙及盧敖事並見前

蓬山振雄筆繡服揮清詞江湖

發秀色草木含榮滋置酒送惠連吾家稱白眉愧無海

嶠作敢闕河梁詩見爾復幾朝俄然告將離

齊賢曰白眉及海嶠

見前李陵與蘇武詩携手上河梁遊子暮何之徘徊蹊路側悵恨不得辭士贇曰後漢竇章少好學有文章是時學者稱東觀為老氏藏室道家蓬萊山太僕鄧康遂薦章入東宮為校書郎中流漾綵鷁列

岸叢金羈歎息蒼梧鳳分棲瓊樹枝清晨各飛去飄落

天南垂望極落日盡秋深暝猿悲寄情與流水但有長

相思

齊賢曰鷁水鳥畫船頭為鷁形垂邊也

五松山送殷淑

秀色發江左風流奈若何仲文了不還獨立揚清波載  
酒五松山頽然白雲歌中天度落月萬里遙相過撫酒  
惜此月流光畏蹉跎明日別離去連峯鬱嵯峨

齊賢曰  
殷仲文

少有才藻芙蓉貌謝靈運嘗曰殷仲文讀書半  
衰豹則文才不減斑固五松山在宣州南陵

### 送崔氏昆季之金陵

放

一作吳

歌倚東樓行子期曉發秋風渡江來吹落山上

月主人出美酒滅燭延清光二崔向金陵安得不盡觴  
水客弄歸棹雲帆卷輕霜扁舟敬亭下五兩先飄揚峽

石入水花碧流日更長思君無歲月西笑阻河梁

齊賢曰金

陵敬亭見前兵書曰凡候風法雞羽重八兩建五大旗取羽繫其顛立軍營中許慎註曰楚人謂之五兩

登黃山凌敬臺送族弟溧陽尉濟充泛舟赴華陰

塗當

鸞乃鳳之族翱翔紫雲霓文章輝五色雙在瓊樹栖一

朝各飛去鳳與鸞俱啼炎赫五月中朱曦爍河堤爾從

泛舟役使我心曠悽

齊賢曰山海經女媧之上有一鳥狀如五彩畢備聲似雉而尾長名爲

鸞瑞應圖鸞者鳳凰之佐秦地無草木南雲喧鼓聲君王減玉膳早

起思鳴雞漕引救關輔疲人免塗泥宰相作霖雨農夫

得耕犂靜者伏草間羣才滿金閨空手無壯士窮居使

人低

齊賢曰唐裴耀卿傳開元二十一年秋雨害豫京師饑帝將幸東都召問所以救人者耀卿曰陛下

既東巡百司畢從則太倉三輔可遣衆臣分道賑給自東都益廣漕運以實關輔關輔既實則乘輿西還事蔑不濟且國家大本在京師但秦地狹水旱易匱正觀永徽時祿廩者少歲漕粟二十萬石今用度寢廣漕運數倍且不支臣願廣開運道使京師常有三年食雖水旱不足憂天子然之拜黃門侍郎同中書門下平章事充轉運使於是置河陰集津三門倉引天下租由孟津沂河而西三年積七百萬石省運費三十萬緡金閨金馬也

門送君登黃山長嘯倚

一作上

天梯小舟若鳬鴈大舟若

鯨鯢開帆散長風舒卷與雲齊日入牛渚晦蒼然夕煙

迷相思在何許

一作所

杳在落陽西

齊賢曰太白時在當塗即今之太平也黃

山在城北凌歌臺在其上

### 送儲邕之武昌

黃鶴西樓月長江萬里情春風三十度空憶武昌城送

爾難為別銜杯惜未傾湖連張樂地山逐泛舟行諾為

楚人重詩傳謝朓清滄浪吾有曲寄入棹歌聲

齊賢曰黃鸝樓

見前孫權破關羽自公安徙都鄂改名武昌今鄂州之東百二十里武昌縣即權故宮與黃州相對

乾  
健  
坤  
順  
震  
巽  
坎  
離  
艮  
兌  
巽  
離  
坎  
艮  
兌



李太白集分類補註卷十八

欽定四庫全書

集部

李太白集分類補註卷

十九至二十一

詳校官侍郎

臣謝墉

檢討

臣

何思鈞覆勘

總校官編修

臣

王燕緒

校對官學正

臣

翁樹棠

謄錄監生

臣

李達曾

欽定四庫全書

李太白集分類補註卷十九

宋 楊齊賢 集註

元 蕭士贇 補註

訓

訓談少府

襄漢

一尉居修忽梅生有仙骨三事或可羞匈奴晒千秋壯  
心屈黃綬浪跡寄滄洲昨觀荆峴作如從雲漢遊老夫

當暮矣蹠足懼驛驕

齊賢曰漢書東南一尉西北一侯  
梅福補南昌府得仙事見前毛詩

三事大夫注謂三公漢田千秋為高寢郎衛太子為江  
充所讚敗久之千秋訟太子寃上大感悟立拜為大鴻

臚數日代劉屈氂為丞相後漢使至匈奴單于問曰聞  
漢新拜丞相何用得之使者曰以上書言事故單于曰

苟如是漢置丞相非用賢也

訓字文少府見贈桃竹書筒

桃竹書筒綺繡文良工巧妙稱絕羣靈心圓映三江月

彩質疊成五色雲中藏寶訣峨眉去千里提携長憶君

五月東魯行答汶上君

五月梅始

子一作

黃蠶凋桑拓空魯人重織作機杼鳴簾

櫬顧余不及仕學劍來山東舉鞭訪前途獲笑汶上翁

下愚忽壯士未足論窮通

齊賢曰漢志泰山郡汶水出萊州入齊

我以一

箭書能取聊城功終然不受賞羞與時人同西歸去直

道落日昏陰虹此

一作我

去爾勿言甘心如轉蓬

齊賢曰史記齊

田單攻聊城歲餘不下魯仲連乃為書矢以射城中遺燕將燕將得書泣三日乃自殺聊城亂田單遂屠聊城

歸每言仲連欲爵之魯仲連逃隱於海上曰吾與富貴而誑於人寧貧賤而輕世肆志焉白意指林甫國忠輩

昏蔽其君

早秋單父南樓酬竇公衡

白露見日滅，紅顏隨霜凋。  
別君若俯仰，春芳辭秋條。  
泰山嵯峨夏雲在，疑是白波漲東海。  
散為飛雨川上來，遙帷却卷清浮埃。  
知君獨坐青軒下，此時結念同所懷。  
我閉南樓看道書，幽簾清寂在仙居。  
曾無好事來相訪，賴爾高文一起予。

山中問答

問余何意

一作事

按碧山笑而不答，心自閒。桃花流水杳

然去別有天地非人間

齊賢曰蜀志人問諸葛亮之志亮抱膝笑而不答

答友人贈烏紗帽

領得烏紗帽全勝白接離山人不照鏡稚子道相宜

齊賢

曰稚子接離見前

訓張司馬贈墨

上黨碧松煙夷陵丹砂末蘭麝凝珍墨精光乃堪掇黃頭奴子雙鴉鬟錦囊養之懷袖間今日贈余蘭亭去興

來灑筆會稽山

齊賢曰唐潞州上黨郡土貢墨峽州夷陵郡掇拾也錦囊事見前越州會稽郡

欽定四庫全書

卷十九

三

山陰縣有蘭渚渚有亭王羲之後禊處

答湖州迦葉司馬問白是何人

青蓮居士謫仙人酒肆藏名三十春湖州司馬何須問

金粟如來是後身

齊賢曰青蓮居士太白自號也

答長安崔少府叔封遊終南翠微寺太宗皇帝金

沙泉見寄

河伯見海若傲然誇秋水小物昧遠圖寧知通方士多

君紫霄意獨往蒼山裏地古寒雲深巖高長風起

齊賢曰莊



子秋水時至百川灌河涇流之大兩涘渚涯之間不辨  
牛馬於是河伯欣然自喜以天下之美為盡在己順流  
而東行至於北海東面而觀不見水涯於是河伯始旋  
其面目望洋向若而嘆曰野語有之曰聞道自以為莫  
已若者我之謂也吾長見笑於大方之家北海若曰井  
蛙不可以語於海者拘於虛也夏蟲不可以語於冰者  
篤於時也曲士不可以語於道者束於教

初登翠微嶺

復憩金沙泉踐苔朝霜滑弄波夕月圓飲彼石下流結

蘿宿溪煙鼎湖夢淥水龍駕空

一作何

茫然早行子午關

一作間却登山路遠

一作却嘆山路遠

拂琴聽霜猿滅

燭乃星飯人煙無明異鳥道絕往返

齊賢曰貞觀十二年終南大和宮改

為翠微宮金沙泉近寺之泉也鼎湖夢指太宗也事見  
三卷漢書王莽開子午道因置子午關士贇曰長安志  
翠微宮在萬年  
縣終南山上  
攀厓倒青天日視白日晚既過一作石

門隱還唱

一作聞

石潭歌涉雪蹇紫芳

一作紫莖

濯纓想

一作

柳清波此人不可見此地君自過為余謝風泉其如幽

意何

齊賢曰石門在魯王逸注楚詞  
蹇採取也士贇曰紫芳紫蘭也

贈李十二左司郎中崔宗之

涼秋八九月白露空園亭耿耿意不暢稍稍

一作悄悄

風華

聲思見雄俊士共話今古情李侯忽來儀把袂苦不早

清論既抵掌玄談又絕倒分明楚漢事歷歷王霸道

齊賢

曰稍所交切士贊曰記月令立秋日涼風至後五日白露降爾雅稍稍權也郭璞曰謂木無枝柯稍權長而殺

也

檐囊無俗物訪古千里餘袖有匕首劍懷中茂陵書

雙眸光照人詞賦凌子虛酌酒絃素琴霜氣正凝結平

生心中事今日為君說我家有別業寄在蒿之陽明月

出高岑清溪澄素光雲散牕戶靜風吹松桂香子若同

斯遊千載不相忘

齊賢曰有底曰囊無底曰橐司馬相如既病免家居茂陵天子曰相如病

甚可往從悉取其書使使往而相如已死妻曰長卿時已著書人又取去長卿未死時為一卷書有使來求書

奏之其遺札書言封禪事初上讀子虛賦而善之曰朕獨不與此人同時哉楊得意曰臣邑人司馬相如自言為此賦上驚乃召問相如相如曰有之唐河南府登封縣本嵩陽

訓崔五郎中

朔雲橫高天萬里起秋色壯士心飛揚落日空嘆息長嘯出原野凜然寒風生幸遭聖明時功業猶未成奈何

懷良圖鬱悵獨愁坐杖策尋英豪立談乃知我

齊賢曰鄧禹聞

光武安集河北即杖策北渡士贊曰鬱悵憂也

崔公生民秀緬邈青雲安制作

參造化託諷含神祇海嶽尚可傾吐諾終不移是時霜

飈寒逸興臨華池起舞拂長綯四座皆揚眉因得窮  
歡情贈我以新詩又結汗漫期九垓遠相待舉身憩  
蓬壺濯足弄滄海從此凌倒景一去無時還朝遊明  
光宮暮入閭闔關但得長把袂何必嵩丘山齊賢曰蓬壺蓬萊方壺也漢武帝起明光宮師古曰三輔黃圖云在城中淮南子注云閭闔始升天之門上帝所居紫微宮門也

以詩代書答元丹丘

青鳥

一作鳥

海上來今朝發何處口銜雲錦字

一作書

與我

忽飛去鳥去凌紫煙書留綺牕前開緘方一作時一笑乃

是故人傳故人深相勗憶我勞心曲離居在咸陽三見

秦草綠置書雙袂間引領不暫閒長望一作歎杳難見浮

雲橫遠山齊雲曰後漢書梁冀弟舍牕牖皆有綺䟽

金門答蘇秀才

君還石門日朱火始改木春草如有情山中尚含綠折

芳悵遙憶永路當自勗遠見故人心平生以此足齊賢曰即

鑽燧巨海納百川麟閣多才賢獻書入金闕酌醴奉瓊

筵屢叅白雲唱恭聞黃竹篇恩光照拙薄雲漢希騰遷

銘鼎儻云遂扁舟方渺然

齊賢曰漢宮室疏特造麒麟閣以藏秘書賢才列子穆王

賓于西王母觴于瑤池之上王母為王謠詩名白雲穆天子傳曰天子休于回中大寒北風雨雪天子作詩三車以哀人夫我祖黃竹員口悶寒乃宿於黃竹祭祝曰鼎有銘銘者自名也自名以稱揚先祖之美而明著之後世者也扁舟言功成名遂身退如范蠡扁舟泛五湖也我留在金門君去卧丹壑

未果三山期遥欣一丘樂玄珠寄象罔赤水非廖廓願

狎東海鷗共營西山樂栖巖君寂滅處士魚龍雙良辰

不同賞永日應閒居鳥吟簷間樹花落牕下書緣溪見

綠篠隔岫窺紅蕖

齊賢曰莊子黃帝遊于赤水之北還歸遺其玄珠使知索之而不得使離

朱索之而不得使契詬索之而不得乃使象罔象罔得之列子海上之人有好鷗鳥者每旦之海工從鷗鳥遊來而不止採薇行笑歌眷我情何已月出石鏡間松

鳴風琴裏得心自非妙外物空頽靡身世如兩忘從君

老煙水

齊賢曰史記伯夷叔齊隱于首陽山作歌曰登彼西山兮採其薇矣石鏡見前

訓坊州王司馬與閻正字對雪見贈

遊子東南來自宛適京國飄然無心雲倏忽復西北訪

戴昔未偶尋嵇此相得愁顏發新歡終宴叙前識

齊賢曰王



子猷雪夜訪戴安道事見前晉書稽康會稽上虞閻公  
人東平呂安服康高致每一相思輒千里命駕

漢庭舊沉鬱富才力價重銅龍樓聲高重門側寧期此

相遇華館陪遊息積雪明遠峯寒城鎖春色主人蒼生

望假我青雲翼風水如見資投竿佐皇極

齊賢曰史記上召田叔與

語漢庭臣無能出其右者  
前漢太子宮有銅龍樓

訓中都小吏攜斗酒雙魚於逆旅見贈

魯酒若琥珀

一作琥珀色

汶魚紫錦鱗山東豪吏有俊氣手

攜持

一作

此物贈遠人意氣相傾兩相顧斗酒雙魚表情

素雙鰓呀呬鰭鬣張趺刺銀盤欲飛去呼兒拂几霜刃

揮紅肌花落白雪霏為君下筯一餐飽一作罷醉著金鞍

上馬歸

齊賢曰琥珀注松脂入地千年為茯苓  
茯苓千年為琥珀汶水出泰山萊蕪縣

訓張卿夜宿南陵見贈

月出魯城東明如天上雪魯女驚莎雞鳴雞應秋節當

君相思夜火落金風高河漢掛戶牖欲濟無輕舠齊賢曰火

落大火西流也舠小船也士齊曰梁元帝纂要曰秋曰高秋風曰金風我昔辭林丘雲龍

忽相見客星動太微朝去洛陽殿爾來得茂彥七葉仕

漢餘身為下邳客家有圮橋書傳說未夢時終當起巖

野萬古騎辰星光輝照天下

齊賢曰賀知章薦太白召見待詔漢嚴光足加帝腹

感容星犯御座晉天文志太微天子庭也五帝座也良亡匿下邳於圮橋遇老父受書書說命高宗夢得說使百工營求諸野得諸傅巖乘東維騎箕尾而比於列星終古不忒與君各未遇長策委

蒿萊寶刀隱五匣鏞溢空莓苔遂令世上愚輕我土與

灰一朝攀龍去鼃鼃安在哉故山定有酒與爾傾金壘

齊賢曰齊魯間謂鼃為蝸鼃耿鼃也尤怒鳴聒人

訓岑勛見尋就元丹丘對酒相待以詩見招

黃鶴東南來寄書寫心曲倚松開其緘憶我腸斷續不

以千里遥命駕來相招中逢元丹丘登嶺宴碧霄對酒

忽思我長嘯臨清颿

齊賢曰鄂州有黃鶴樓因黃鶴山以名相傳費文律得仙駕鶴隱此

世說呂安思稍康十里命駕

寒予未相知茫茫綠雲垂俄然素書及

解此長渴饑策馬望山月途窮造階墀喜茲一會面若

覩瓊樹枝憶君我遠來我歡方速至開顏酌美酒樂極

忽成醉我情既不淺君意方亦深相知兩相得一顧輕

千金且向山客笑與君論素心

齊賢曰離騷註寒難也

答從弟勿成過西園見贈

一身自瀟灑萬物何囂諠拙薄謝明時棲閒居故園二  
季過舊壑四鄰馳華軒衣劒照松宇賓徒光石門山童  
薦珍果野老開芳樽上陳樵漁事下敘農圃言昨來荷  
花滿今見蘭苕繁一笑復一歌不知夕景昏醉罷同所

樂此情難具論

齊賢曰鄭玄禮記注曰聞諠囂則人意  
動作孔安國曰伯仲叔季順少長也文

中子註闕子明霍  
及皆隱於樵漁

訓王補闕惠翼莊廟宋丞泚贈別

學道三千春自言義和人軒蓋宛若夢雲松長相親偶

將二公合復與三山鄰喜結海上契自為天外賓鸞翮

我先鍛

所戒切

龍性君莫馴

齊賢曰孔安國註堯典曰重黎之後義和夢世掌天地四

時之官南史陶潛嘗言五六月北窓下卧遇涼風暫至自謂是羲皇上人說苑翟黃乘車載華蓋因子方怪而

問之曰吾祿厚得此軒蓋鍛摧翼也

朴散不尚古時訛皆失真勿踏荒

溪坡竭

丘傑切去也

來浩然津薜帶何辭楚桃源堪避秦世

迫且離別心在期隱淪訓贈非炯誠永言銘佩紳

齊賢曰陶

潛桃花源記事見二卷桓譚新論天下神人五一日神仙二曰隱淪士贊曰楞嚴經曰云何汝今以動為身以

動為境從始至終念念此滅遺失真性顛倒行  
事性心失真認物為己輪回是中有取流轉

訓裴侍御對雨感時見贈 金陵

雨色秋來寒風嚴清江爽孤高繡衣人瀟灑青霞賞平  
生多感激忠義非外獎禍連積怨生事及徂川往楚邦  
有壯士鄢郢翻掃蕩申包哭秦庭泣血將安仰鞭屍辱  
已及堂上羅宿莽頗似今之人蠱賊陷忠讜渺然一水  
隔何由稅歸鞅日夕聽猿怨懷賢盈夢想

齊賢曰漢書表侍御史有

綉衣直指伍子胥傳吳王闔閭悉興師與唐蔡伐楚楚將子常敗走奔鄭吳乘勝而前五戰遂入郢昭王出奔

吳師入郢子胥掘楚平王墓出其尸鞭之三百然後已  
申包胥求救於秦秦不許包胥立於秦庭晝夜哭七日  
七夜不絕其聲秦哀公憐之遣車五百乘救楚敗吳昭  
王復入郢毛詩註食心曰螟食葉曰螻食根曰蠹食節  
曰賊說文鞅頸組又曰柔草士贊曰說  
文稅或作脫即孟子不脫冕而行之義

贈李十二

士贊曰此詩乃攝監察御史崔成甫贈太白者附此

我是瀟湘放逐臣  
君辭明主漢江濱  
天外常求太白老  
金陵捉得酒仙人

訓崔侍御

嚴陵不從萬乘遊  
歸卧空山釣碧流  
自是客星辭帝座



元非太白醉揚州

齊賢曰逸史章仇兼瓊鎮西川訪道術士有一鬻酒者每有紗帽藜杖四

人來飲酒至數斗積至十餘石即併還之且言愛詩孫思邈因報章仇公公專令探之忍一日又來公遂潛往從者三四人公照至前躍出再拜自稱姓名相爾徐起唯榮爐四杖在座前不復見矣時玄宗好道公奏其事詔召孫公問之曰此太白酒星仙格絕高每遊人間飲酒處處皆至尤樂蜀中

翫月金陵城西孫楚酒樓達曙歌吹日晚乘醉著

紫綺裘烏紗巾與酒客數人棹歌秦淮往石頭訪

崔四侍御

昨翫西城月青天垂玉鉤朝沽金陵酒歌吹孫楚樓忽

欽定四庫全書

李太白集卷十九

三

憶繡衣人乘船往石頭草裏烏紗巾倒被紫綺裘兩岸

拍手笑疑是王子猷酒客十數公崩騰醉中流謔浪棹

海客喧呼傲陽侯

齊賢曰孫權治建鄴作石頭城王子猷雪夜訪戴逵事見前高誘淮南子

註曰陽國侯溺死於水其神能為大波

半道逢吳姬卷簾出揶揄我憶君

到此不知狂與羞一月一見君三杯便迴橈捨舟共連

袂行上南渡橋興發歌綠水秦客為之搖雞鳴復相招

清宴逸雲霄贈我數百字字字凌風颭繫之衣裘上相

憶每長謠

齊賢曰揶揄舉手相弄也

江上答崔宣城

太華三芙蓉明星玉女峯尋仙下西嶽陶令忽相逢問  
我將何事湍波歷幾重貂裘非季子鶴氅似王恭謬忝  
燕臺召而陪郭隗蹤水流知入海雲去或從龍樹繞蘆

洲月山鳴鵲鎮鐘還期如可訪台嶺蔭長松

齊賢曰陶潛為彭澤

令晉王恭美姿儀嘗衣鶴氅裘涉雪而行孟昶見之曰此真神仙中人也唐志宣州南陵縣有鵲頭鎮士贊曰太華山芙蓉明星玉女峯蘇季子黑貂之裘敝燕昭王築臺師郭隗事並見前

答族姪僧中孚贈玉泉仙人掌茶

余聞荊州玉泉寺近清溪諸山山洞往往有乳窟窟  
中多玉泉交流其中有白蝙蝠大如鴉按仙經蝙蝠  
一名仙鼠千歲之後體白如雪棲則倒懸蓋飲乳水  
而長生也其水邊處處有茗草羅生枝葉如碧玉唯  
玉泉真公常來而飲之年八十餘歲顏色如桃花而  
此茗清香滑熟異於他者所以能還童振枯扶人壽  
也余遊金陵見宗僧中孚示余茶數十片拳然重疊  
其狀如手號為仙人掌茶蓋新出乎玉泉之山曠古

未覲因持之見遺兼贈詩要余答之遂有此作後之  
高僧大隱知仙人掌茶發予中孚禪子及青蓮居士

李白也

常聞玉泉山山洞多乳窟仙鼠如白鴉倒懸清溪月茗  
生此中石玉泉流不歇根柯洒芳津採服潤肌骨叢老  
卷綠葉枝枝相接連曝成仙人掌仙拍洪崖肩舉世未  
見之其名定誰傳宗英乃禪伯投贈有佳篇清鏡燭無  
鹽顧慙西子妍朝坐有餘興長吟播諸天

齊賢曰抱朴子曰千歲蟠

蝟色如雪集則倒懸腦重  
故也新序無鹽齊之醜女

訓裴侍御留岫師彈琴見寄

君同鮑明遠邀彼休上人鼓琴亂白雪秋變江上春瑤

草綠未衰攀翻寄情親相思兩不見流淚空盈巾

齊賢曰鮑

照字明遠為宋臨江王參軍沈約宋書曰沙門惠休善屬文徐堪之與之甚厚世祖命使還俗本姓湯位至揚州從事陽春白雪曲名也

張相公出鎮荊州尋除太子詹事余時流夜郎行

至江夏與張公去千里公因太府丞王昔使車寄

羅衣二事及五月五日贈余詩余答以此詩

張衡殊不樂應有四愁詩慙君錦繡段贈我慰相思鴻

鵠復矯翼鳳凰憶故池榮樂一如此商山老紫芝

日齊賢張

衡四愁詩序曰張衡不樂久處機密陽嘉中出為河間相時天下漸弊鬱鬱不得志為四愁詩其辭曰美人贈我錦繡段何以報之青玉案商山四皓歌曰煜煜紫芝可以療飢

醉後答丁十八以詩譏余拙碎黃鶴樓

黃鶴高樓已拙碎黃鶴仙人無所依黃鶴上天訴玉帝  
却放黃鶴江南歸神明太守再雕飾新圖粉壁還芳菲

一川笑我為征客少年往往來相識君平簾下誰家子  
云是遼東丁令威作詩調我驚逸興白雲遶筆牕前飛

待取明朝酒醒罷與君爛漫尋春暉

齊賢曰黃鶴樓事見前賀知章自號

四明狂客漢書嚴君平賣卜於成都市日閱數人得百錢足自養則閉門下簾而授老子遼東華表柱上有鶴云有鳥有鳥丁令威去家千年今始歸城郭雖是人  
民非士贇曰漢書黃霸為潁川太守吏民咸稱為神

答裴侍御先行至石頭驛以書見招期月滿泛洞

庭

君至石頭驛寄書黃鶴樓開緘識遠意速此南行舟風



水無定準湍波或滯留憶昨新月生西簷若瓊鈞今來  
何所似破鏡懸清秋恨不三五明平湖泛澄流此歡竟

莫遂枉殺王子猷已陵定近遠持贈解人憂

齊賢曰石  
頭驛在金

陵王逸註楚詞曰曲瓊玉鈞也平湖指洞庭士贇曰古  
詩三五明月滿四五蟾兔缺枉殺王子猷是用子猷訪  
戴安道事乘興  
而來興盡而返

### 答高山人兼呈權顧二侯

虹霓掩天光哲后起康濟應運生夔龍開元掃氛翳太  
微廓金鏡端拱清遐裔輕塵集嵩嶽虛點盛明意謬揮

欽定四庫全書

李太白集分輝補註  
卷十九

十六

紫泥詔獻納青雲際

齊賢曰虹霓指太平公主輩哲后指元宗郭氏曰雄曰虹謂明盛者

雌曰霓謂暗微者金鏡喻明道也白天寶初供奉翰林潛草詔誥紫泥詔見前士贇曰夔龍唐虞賢臣季康曾

作序文曰人生天地間也若流霓之過戶牖輕塵之棲弱草

讒惑英主心思踈佞臣

計彷徨庭闕下嘆息光陰逝未作仲宣詩先流賈生涕

掛帆秋江上不為雲羅制山海向東傾百川無盡勢我

於鴟夷子相去千餘歲運闊英達稀同風遙執袂

士贇曰列

子曰北不滿東南百川水源也

登艫望遠水忽見滄浪樵高士何處來

虛舟渺安繫衣貌本淳古文章多佳麗延引故鄉人風

義未淪替顧侯達語默權子識通蔽曾是無心雲俱為  
此留滯雙萍易飄轉獨鶴思凌厲明晨去瀟湘共謁蒼

梧帝

齊賢曰通蔽通塞也

答杜秀才五松見贈

五松山南陵銅坑西五六里

昔獻長楊賦天開雲雨歡當時待詔承明裏皆道揚雄

才可觀敕賜飛龍二天馬黃金絡頭白玉鞍浮雲蔽日

去不返總為秋風摧紫蘭

齊賢曰揚雄獻賦待詔承明廷事見前註

角巾東

出商山道採秀行歌詠芝草路逢園綺笑向人兩君解

來一何好聞道金陵龍虎盤還同謝眺望長安千峯夾

水向秋浦五松名山當夏寒銅井炎鑪歎

虛驕切  
氣出貌

九天

赫如鑄鼎荆山前陶公矍鑠呵赤電回祿睢盱揚紫煙

此中宜是久留處便欲燒丹從列仙

齊賢曰商山隸商  
州楚辭註秀謂芝

草東園公綺里季事見前諸葛亮至建業曰鍾阜龍盤  
石城虎踞謝眺有晚登三山還望京邑詩唐志秋浦有銅

有銀南陵舊有銅官治史黃帝採首山之銅鑄鼎於荆  
山下杜預註曰回祿火神老子註曰睢盱盱跋扈之

貌字林曰睢仰  
目盱張目也

愛聽松風且高卧颼颼吹盡炎氛過登

崖獨立望九州陽春欲奏誰相和聞君往年遊錦城章

仇尚書倒屣迎飛牋絡繹奏明主天書降問迴恩榮

骭不能就珪組至今空揚高蹈名

齊賢曰陽春曲名見前成都以江山明麗

號為錦城

夫子工文絕世奇五松新作天下推吾非謝尚邀

彦伯異代風流各一時一時相逢樂在今袖拂白雲開

素琴彈為三峽流泉音從茲一別武陵去去後桃花春

水深

齊賢曰謝尚邀彦伯事見前卷註士贇曰三峽流泉琴操名也

至陵陽山登天柱石誄韓侍御見招隱黃山

韓衆騎白鹿西往華山中玉女千餘人相隨在雲空見

我傳秘訣精誠與天通何意到陵陽遊目送飛鴻天子

昔避狄與君亦乘驄擁兵五陵下長策馭胡戎

齊賢曰列仙傳

韓衆齊人為王採藥王不肯服衆自服之遂得仙後劉根字君安於華山見一人來白鹿車者十餘人左右玉女四人執平筑之節皆生十五六餘再拜乞言神人曰爾間有韓衆否答間有之神人曰我是也陵陽山在涇縣西南百里乃竇子明釣得白龍放之之處時秦解繡衣脫身若飛蓬鸞鳳

翻羽翼啄粟坐樊籠海鶴一笑之思歸向遼東黃山過石柱巘崿上攢叢因巢翠玉樹忽見浮丘公又引王子喬吹笙舞松風朗詠紫霞篇請開藥珠宮步網繞碧落

倚樹招青童何日可攜手遺形入無窮

齊賢曰黃山隸宣州黃帝與浮

丘公遊黃山駐天都峯今有浮丘公仙壇峯嶠高峻貌士贇曰紫霞篇即黃庭內景經也經曰上清紫霞虛皇前太上大道玉宸君間居藥珠作七言散花五形變萬神是為黃庭曰內篇詠之萬過升三天秘要經云仙宮中有寥陽之殿藥珠之闕翠英之房道君在中而說經綱置氣也即禹步交乾履斗之法道書老君於東極碧落之天浮黎之國書則文於青空之林成紫字之文復授青童天君靈書紫文脩行二十四事

### 訓崔十五見招

爾有鳥跡書相招琴溪飲手跡尺素中如天落雲錦讀

罷向空笑疑君在我前長吟字不滅懷袖且三年

齊賢曰書

斷曰古文者黃帝史蒼頡所造頡首有四目通於神明  
仰觀奎星國曲之勢俯察龜文鳥跡之象采衆美合而  
為字是曰古文南州有  
琴溪即琴高控鯉之處

答王十二寒夜獨酌有懷

士齊曰按此篇造語叙事  
錯亂顛倒絕無倫次董龍

一事尤為可笑決非太白之作乃先儒所謂五季  
間學太白者所為耳具眼者能自別之今釐而置  
末 諸卷

昨夜吳中雪子猷佳興發萬里浮雲卷碧山青天中道  
流孤月孤月滄浪河漢清北斗錯落長庚明懷余對酒  
夜霜白玉牀金井冰崢嶸人生飄忽百年內且須酣暢



萬古情

齊賢曰王子猷雪夜乘興訪戴安道事見前西京雜記太極殿前有金井欄士贊曰詩云東有

啓明西有長庚註曰旦出謂明星為啓明日既入謂明星為長庚續也

君不能狸膏金距

學鬪雞坐令鼻息吹虹霓君不能學哥舒橫行青海夜

帶刀西屠石堡取紫袍吟詩作賦北牕裏萬言不直一

杯水世人間此皆掉頭有如東風射馬耳

齊賢曰左傳李邕之雞關

李氏介其雞邱氏為之金距唐哥舒翰為隴右節度副使大震神威軍青海上天寶八載詔翰以朔方河東監

牧兵十萬攻吐蕃石堡城克之遂以功加特進

魚目亦笑我請

一作謂

與明月同

驂騑拳跼不能食蹇驢得志鳴春風折楊皇華合流俗

晉君聽琴枉清角巴人誰肯和陽春楚地由來賤奇璞  
黃金散盡交不成白首為儒身被輕一談一笑失顏色

蒼蠅貝錦誼謗聲

齊賢曰韓非子曰晉平公問師曠音莫悲於清徵乎師曠曰不如清角公

曰寡人願聽之師曠不得已鼓之一奏有玄雲從北方起再奏之大風至大雨隨之裂幃幙破組豆墜廊瓦坐

者散走平公恐懼伏廊室之間晉國大旱赤地三年曾參豈是殺人者讒言三及

慈母驚與君論心握君手榮辱於余亦何有孔聖猶聞  
傷鳳麟董龍更是何難狗一生傲岸苦不諧恩踈媒勞  
志多乖嚴陵高揖漢天子何必長劒拄頤事玉階達亦

不足貴窮亦不足悲韓信羞將絳灌比稱衡恥逐屠沽

兒

齊賢曰曾參殺人事見前士贇曰晉載記符生司空王墮剛峻疾惡有嬖人董榮亂政墮疾之如仇畧不

與言或曰董尚書貴幸公宜降意墮曰董龍是同難狗而今國士與之言乎榮慙恨勸生誅墮臨刑榮曰公復敢數董龍作難狗乎墮瞋目嘗之龍榮小字東漢書稱衡氣尚剛傲建安初來遊許下是許都新建賢士大夫四方來集成問衡曰盍從陳長文司馬伯乎對曰吾焉能從屠沽兒耶

君不見李北海英

風豪氣今何在君不見裴尚書土墳三尺蒿棘

一作下

居

少年早欲五湖去見此彌將鍾鼎踈

齊賢曰李邕字太和一揚州江都人父

善淹貫古今注文選適事而忘意書成以示邕欲有所更善曰試為我補益之邕附事見義善以為不可奪故

兩書並行李嶠張廷珪薦之召拜左拾遺元宗即位為  
陳州刺史仇人告邕贓貸枉法下獄當死許昌男子孔  
璋上書曰臣與邕平生不款曲臣知有邕邕不知有臣  
願代邕死疏奏得減死貶道化尉流璋嶺南討賊有功  
徙禮州司馬後歷淄滑二州刺史始邕早有名重義愛  
士久斥外不與士大夫接因上計入朝人間傳其眉目  
瓌異至阡陌聚觀後生望風內謁門巷填隘中人臨問  
索所為文章且進上以讒媚出為北海太守天寶中柳  
勣有罪下獄邕嘗遺勣馬故言溫使引邕詔就郡杖殺  
之時年七十天下稱李北海邕資性豪放不能治細行裴  
尚書  
未詳

李太白集分類補註卷十九

欽定四庫全書

李太白集分類補註卷二十

宋 楊齊賢 集註

元 蕭士贇 補註

遊宴

遊南陽白水登石激作

朝涉白水源暫與人俗疎  
島嶼佳境色江天涵清虛  
目送去海雲心閒遊川魚  
長歌盡落日乘月歸田廬

齊賢曰隨

州西北二百里曰棗陽縣有春陵故城在縣東漢元帝時春陵侯以其國地卑濕因割蔡陽之白水上唐二鄉為春陵侯邑

遊南陽清冷泉

惜彼落日暮愛此寒泉清西輝逐流水蕩漾遊子情空

歌望雲月曲盡長松聲

齊賢曰薛綜注清冷水名在南陽西鄂山上

尋魯城北范居士失道落蒼耳中見范置酒摘

蒼耳作

鴈度秋色遠日靜無雲時客心不自得浩漫將何之忽

憶范野人閒園養幽姿茫然起逸興但恐行來遲城壕  
失往路馬首迷荒陂不惜翠雲裘遂為蒼耳欺入門且

一笑把臂君為誰

齊賢曰蒼耳即卷耳今所謂羊負菜

酒客愛秋蔬山盤

薦霜梨他筵不下筯此席忘朝飢酸棗垂北郭寒瓜蔓

東籬還傾四五酌自詠猛虎詞近作十日歡遠為千載

期風流自簸蕩謔浪偏相宜酣來上馬去却笑高陽池

齊賢曰古猛虎行曰飢不從猛虎食暮不從野鶴栖山簡鎮襄陽遊高陽池事見前

### 東魯門泛舟二首

金定四庫全書  
卷二十  
日落沙明天倒開波搖石動水縈回輕舟泛月尋溪轉

疑是山陰雪後來

齊賢曰王子猷雪夜訪戴事見前卷

其二

水作青龍盤石隄桃花夾岸魯門西若教月下乘舟去

何啻風流到剡溪

士贇曰剡溪見前

秋獵孟諸夜歸置酒單父東樓觀妓

傾暉速短炬走海無停川冀餐圓丘草欲以還顏年此

事不可得微生若浮煙

齊賢曰抱朴子圓丘多大蛇又生好藥黃帝將登焉廣成子告



之佩雄黃而駿發跨名駒彤弓控鳴弦鷹豪魯草白狐  
衆蛇皆去

兔多肥鮮邀遮相馳逐遂出城東田一掃四野空喧呼

鞍馬前歸來獻所獲炮炙宜霜天出舞兩美人飄飄若

雲仙留歡不知疲清曉方來旋

齊賢曰毛詩箋云駿疾也

### 遊太山六首

四月上太山石屏御道開六龍過萬壑澗谷隨縈迴馬

跡繞碧峯於今滿青苔飛流灑絕巘水急松聲哀北眺

崿嶂奇傾崖向東摧洞門閉石扇地底興雲雷

齊賢曰元宗開

元十三年有事太山其登山也為大級及中道休三刻而後升即御道也神仙傳八公與劉安登山所踏山上石皆陷成跡至今人馬跡猶存唐貞觀中長公弼與華陰雲臺觀劉法師在蓮花峯東隅至二石壁高千餘仞下臨無底之谷一逕濶數寸法師與公弼側足而立公弼以指扣石壁遂劃然開一門中有天地日月士贇曰六龍是用周易時登高望蓬瀛想像金銀臺天門一長乘六龍以御天事

嘯萬里清風來玉女四五人飄飄下九垓含笑引素手遺我流霞杯稽首再拜之自愧非仙才曠然小宇宙棄

世何悠哉

齊賢曰漢志齊威宣燕昭使人入海求蓬萊方丈瀛州此三神山諸仙人及不死之藥皆

在焉其物禽獸盡白而黃金銀為宮闕未至望之如雲及至反居水下太山記太山盤道屈曲而上凡五十餘

盤經小天門大天門仰視  
天門如從穴中窺天牕

其二

清曉騎白鹿直上天門山山際逢羽人方瞳好容顏捫  
羅欲就語卻掩青雲關遺我鳥跡書飄然落巖間其字

乃上古讀之了不嫻感此三嘆息從師方未還

齊賢曰拾遺記

老聃其瞳方仙書云眼方者壽千歲黃帝之史沮誦蒼  
頡眺彼鳥跡始作書契漢書謂之科斗書尚書序上古  
之書謂之尚書士贇曰葛洪神仙傳漢武帝閒居殿上  
忽有一人乘雲車駕白鹿從天而下來集殿前帝驚問  
為誰曰我山中衛叔卿也

其三

平明登日觀舉手開雲關精神四飛揚如出天地間黃  
河從西來窈窕入遠山憑崖攬八極目盡長空閒偶然  
值青童綠髮雙雲鬟笑我晚學仙蹉跎凋朱顏躊躇忽

不見浩蕩難追攀

齊賢曰泰山東南名曰觀雞一鳴時  
日始出長三丈許士贇曰黃河西來

見前卷陶隱居真誥云青童大君云欲植減度根  
當拔生死氣沉吟隴九泉坐惜形骸棄語亦見前

其四

清齋三千日裂素寫道經吟誦有所得衆神衛我形雲

行信長風颯若羽翼生攀崖上日觀伏檻窺東溟海色  
動遠山天鷄已先鳴銀臺出倒景白浪翻長鯨安得不

死藥高飛向蓬瀛

齊賢曰魏文帝詩服之四五日身體生羽翼士贇曰集仙錄紫虛元君魏

華存夫人清齋於陽洛之山隱元之臺西王母降於臺中傳玉清隱書四卷以授華存海色日出時之光也

### 其五

日觀東北傾兩崖夾雙石海水落眼前天光搖空碧千  
峯爭攢聚萬壑絕凌厯緬彼鶴上仙去無雲中跡長松  
入雲漢遠望不盈尺山花異人間五月雪中白終當遇

安期於此煉玉液

齊賢曰安期生事見前

其六

朝飲王母池暮投天門關獨抱綠綺琴夜行青山間  
明月露白夜靜松風歇仙人遊碧峯處處笙歌發寂靜  
娛清暉玉真連翠微想像鸞鳳舞飄飄龍虎衣捫天摘  
匏瓜恍惚不憶歸舉手弄清淺誤攀織女機明晨坐相  
失但見五雲飛

齊賢曰樂書相如蔡琰之綠綺琴名也北史崔浩傳太史奏熒惑在匏瓜星中

一夜忽然亡失集林曰昔有人尋河源見婦人浣紗問之曰此天漢也乃與一石歸問嚴君平云此織女支機

石今在成都嚴  
貞觀君平故宅

秋夜與劉碭山泛宴喜亭池

明宰試舟楫張燈宴華池文招梁苑客歌動郢中兒月

色望不盡空天交相宜令人欲泛海只待長風吹

齊賢曰唐

志宋州睢陽郡碭山縣漢梁孝王築東城方三百餘里  
大治宮室招延四方豪傑自山東遊士莫不至客有歌  
於郢中及謝安與孫綽等汎海事見前風土記南中六  
月有東南長風俗云黃雀長風時海魚變為黃雀因名

攜妓登梁王棲霞山孟氏桃園中

碧草已滿地柳與梅爭春謝公自有東山妓畫屏笑坐

如花人今日非昨日明日還復來白髮對綠酒強歌心  
已摧君不見梁王池上月昔照梁王樽酒中梁王已去  
明月在黃鸝愁醉唬春風分明感激眼前事莫惜醉卧  
桃園東

齊賢曰棲霞山在單父縣漢梁孝王苑  
中有雁池幽詩有鳴倉庚注黃鸝也

與從姪杭州刺史良遊天竺寺

挂席凌蓬丘觀濤憩樟樓三山動逸興五馬同遨遊天  
竺森在眼松風颯驚秋覽雲測變化弄水窮清幽疊嶂  
隔遙響當軒寫歸流轉成傲雲月佳趣滿吳洲

齊賢曰  
漢儀天



子六馬諸侯五馬錢唐寺天竺最盛山有一門南北相  
名而上下兩天竺寺自西湖入天竺寺路夾道皆古松  
其地名曰九里松靈隱天竺同在一處皆由天門而進  
圖經杭州靈山之陰北澗之陽即靈隱寺靈山之南南  
澗之陽即天竺寺二澗流水號泉源  
泉遶寺峯南北至峯前合為一澗

### 同友人舟行

楚臣傷江楓謝客拾海月懷沙去瀟湘挂席泛溟渤蹇

予訪前跡獨往造窮髮古人不可攀去若浮雲沒

齊賢曰宋

玉招魂云湛湛江水兮上有楓目極千里兮傷春心注  
江水浸潤楓木使之茂盛傷已不蒙君惠而身放棄不  
如楓木得所也屈原作懷沙賦事見前士贇曰司馬  
彪曰窮髮者北極之下無毛之地地理書以草為髮願

言弄倒影從此鍊真骨華頂窺絕溟蓬壺望超忽不知

青春度但怪綠芳歇空持釣鼇心從此謝魏闕

士贇曰  
倒影絕

溟鈞鼇三

事並見前

### 下終南山過斛斯山人宿置酒

暮從碧山下山月隨人歸却顧所來徑蒼蒼橫翠微相  
攜及田家童稚開荆扉綠竹入幽徑青蘿拂行衣歡言

得所憩美酒聊共揮長歌吟松風曲盡河星稀我醉君

復樂陶然共忘機

齊賢曰毛萇曰終南周之名山在長  
安之南爾雅曰山未及上曰翠微

朝下過盧郎中敘舊遊

君登金華省我入銀臺門幸遇聖明主俱承雲雨恩復  
此休浣時閑為疇昔言却話山海事宛然林壑存明湖

思曉月疊嶂憶清猿何由返初服田野醉芳樽

齊賢曰唐有銀

臺門通進司擅弓注疇發聲音猶前也楚詞進不入以  
離龍退將復脩吾初服士贇曰顏師古曰金華殿在未

央後

侍從遊宿溫泉宮作

羽林十二將羅列應星文霜仗懸秋月霓旌卷夜雲嚴

更千戶肅清樂九天聞日出瞻佳氣葱葱繞聖君

齊賢曰廿

氏星經羽林府四十五星壘壁陳十二星在營室南主羽林衛太子之軍武帝太初元年置建章營騎後更名羽林騎唐因隋制有十二衛儀衛志凡朝會之仗三衛輪番分為五仗天子將出前二日大樂令設宮懸之樂於庭畫漏之上五刻駕發前發七刻擊一鼓為一嚴前五刻擊二鼓為再嚴前二刻三鼓為三嚴諸衛合督其隊以次入陳

邯鄲南亭觀妓

歌鼓

一作妓

燕趙兒魏姝弄鳴絲粉色艷日彩舞袖拂花

枝把酒顧美人請歌邯鄲詞清箏何繚繞度曲綠雲垂

平原君安在科斗生古池座客三千人于今知有誰我

輩不作樂但為後代悲

齊賢曰詩箋云妹美好之子樂書唐惟有清樂第十二絃彈之

為鹿骨爪長子餘代指他皆十二絃今教坊無十二絃者善度曲事見前士贇曰尚書序注曰科斗蟲名蝦蟇子

### 春日遊羅敷潭

行歌入谷口路盡無人躋攀崖度絕壑弄水尋迴溪雲

從石上起客到花間迷淹畱未盡興日落羣峯西

齊賢曰左

傳註躋升也

奉陪商州裴使君遊石娥溪

裴公有仙標拔俗數千丈澹蕩滄洲雲飄飄紫霞想剖

竹商洛間政成心已閒蕭條出世表冥寂閉元關

士贇曰黃

庭內景玉經曰上清紫霞虛皇前註云紫霞之宮一名紫瓊宮王簡栖頭陀寺碑曰元關幽鍵感而遂通我

來屬芳節解榻時相悅褰帷對雲峯揚袂指松雪暫出

東城邊遂遊西巖前橫天聳翠壁噴壑鳴紅泉尋幽殊

未歇愛此春光發溪傍饒名花石上有好月命駕歸去

來露華生翠苔留惜將晚復聽清猿哀清猿斷人腸

遊子思故鄉明發首東路此歡焉可忘

陪從祖濟南太守泛鵲山湖三首

初謂鵲橋近寧知湖水遙此行殊訪戴自可緩歸橈

賢齊

曰唐齊州濟南郡治歷城縣子猷訪戴事見前

其二

湖濶數千里湖光搖碧山湖西正有月獨送李膺還

賢齊

曰郭泰遊洛陽見河南尹李膺膺大奇之後歸鄉里衣冠諸儒送至河林宗與李膺同舟而濟衆賓望之以為

神仙

其三

水入北湖去舟從南浦回遙看鵲山轉却似送人來

齊賢

曰南浦在鵲湖之南

春日陪楊江寧及諸官宴北湖感古作

金陵

昔聞顏光祿攀龍宴京湖樓船入天鏡帳殿開雲衢君

王歌大風如樂豐沛都延年獻佳作邈與詩人俱

齊賢曰丹

陽郡圖經樂遊苑晉時藥圃元嘉中築堤壅水名爲北湖漢高祖過沛酒酣上擊筑自歌曰大風起兮雲飛揚安得猛士

分守四方我來不及此獨立鍾山孤楊宰穆清風

一作颺



芳聲騰海隅英僚滿四座燦若瑀林敷鷁首弄倒景蛾

眉綴明珠新絃採

一作來

梨園古舞嬌吳歆曲度繞雲漢

一作清漢

聽者皆歡娛

齊賢曰北山移文鍾山之英即今建康蔣山也士贇曰唐禮樂志初隋有

法曲其聲清新而近雅元宗酷愛法曲選坐部伎弟子三百餘人教於梨園為梨園弟子鷄棲何嘈

嘈泐

一作江

月沸笙竽古之帝宮苑今乃人樵蘇感此勸

一觴願君覆瓢壺榮盛

一作盛時

當作樂無令後賢吁

齊賢曰月

令仲夏調笙芋金陵六朝之故都晉灼曰推取薪蘇取草士贇曰嘈嘈衆聲也末句意蓋自國風山有樞中來也

宴鄭叅卿山池

爾恐碧草晚我畏朱顏移愁看楊花飛置酒正相宜歌聲送落日舞影迴清池今夕不盡杯留歡更邀詩

遊謝氏山亭

淪老卧江海再歡天地清病閑久寂寞歲物徒芬榮借君西池遊聊以散我情掃雪松下去捫蘿石道行謝公池塘上春草颯已生花枝拂人來春鳥向我鳴田家有美酒落日與之傾醉罷弄歸月遙欣稚子迎

把酒問月

故人賈淳  
今予問之

青天有月來幾時我今停杯一問之人攀明月不可得  
月行却與人相隨皎如飛鏡臨丹闕綠烟滅盡清暉發  
但見宵從海上來寧知曉向雲間沒白兔搗藥秋復春  
嫦娥孤棲與誰鄰今人不見古時月今月曾經照古人  
古人今人若流水共看明月皆如此惟願當歌對酒時  
月光長照金樽裏

同族姪評事黯遊昌禪師山池二首

遠公愛康樂為我開禪闕蕭然松石下何異清涼山花

將色不染水與心俱閒一坐度小劫觀空天地間

齊賢曰乾

封二年宣律師在長安城南淨業寺修道忽有一大人  
來至彼自言姓王名璠因問曰自昔樞傳文殊在清涼  
山領五百仙人說法結中明文曰文殊久住娑婆世界  
如何偏在此方答曰文殊是諸佛之元師隨緣利見但  
知仰信多在清涼山五臺之中今屬代州西五臺縣清  
涼府今五臺山東南三十里見有大孚靈鸞寺有花園  
可二頃許四時發花色類不同人移花栽別處皆不生  
惟在園內方得久榮或云漢明所植或云魏孝文所植  
士贇曰老子清淨經云  
觀空亦空空無定空

其二

客來花雨際秋水落金池片石寒青錦疎楊挂綠絲高

僧拂玉柄童子獻雙梨惜去愛佳景烟蘿欲暝時

齊賢曰金

陵雨花臺梁武時有僧講經於此天雨寶花此臺在長干山之頭後漢驃國王居有二池以金為堤舟楫皆飾

金寶

### 金陵鳳凰臺置酒

置酒延落景金陵鳳凰臺長波寫萬古心與雲俱開借  
問往昔時鳳凰為誰來鳳凰去已久正當今日迴明君  
越義軒天老坐三台豪士無所用彈絃醉金壘東風吹

山花安可不盡杯六帝沒幽草深宮冥綠苔置酒勿復

道歌鐘但相催

齊賢曰鳳凰臺在金陵宋元嘉中王顯見異鳥集於山時謂鳳凰遂起臺於山

羲軒伏羲軒轅也列子注云天老力牧太山稽三人黃帝之相六帝吳晉宋齊梁陳也

秋浦清溪雪夜對酒客有唱山鷓鴣者

披君

一作我

貂襜褕對君白玉壺雪花酒上滅頓覺夜寒

無客有桂陽至能吟山鷓鴣清風動牕竹越鳥起相呼

持此足為樂何煩笙與箏

齊賢曰說文直裾謂之襜褕唐柳州桂陽郡錄異云鷓鴣

嶺南偏多臆前有白圓點背上間紫赤毛多對啼自呼杜薄州

與周剛清溪玉鏡潭宴別

潭在秋浦  
桃樹陂下

康樂上官去永嘉遊石門江亭有孤嶼千載跡猶存我

來游秋浦三入桃陂源千峯昭積雪萬壑盡啼猿興與

謝公合文因周子論

齊賢曰謝康樂有登石門最高頂  
詩石門澗六處石門退水上兩山

兩邊石壁右邊石岩下  
臨澗水秋浦見前卷

掃厓去落葉席月開清樽溪當

大樓南溪水正南奔迴作玉鏡潭澄明洗心魂此中得

佳境可以絕囂喧清夜方歸來酣歌出平原別後經此

地為余謝蘭蓀

齊賢曰大  
樓山名

遊秋浦白竒陂二首

何處夜行好月明白竒陂山光搖積雪猿影挂寒枝但  
恐佳景晚小令歸棹移人來有清興及此有一作又相思

其二

白竒夜長嘯爽然溪谷寒魚龍動陂水處處生波瀾天  
借一明月飛來碧雲端故鄉不可見腸斷正西看

宴陶家亭子

曲巷幽人宅高門大士家池開照膽鏡林吐破顏花綠



水藏春日青軒秘晚霞若聞絃管妙金谷不能誇

齊賢日照

膽言池水之清照人如見肝膽晉石崇有別館在河陽之金谷一名梓澤

在水軍宴韋司馬樓船觀妓

搖曳帆在空清流

一作川

順歸風詩因鼓吹發酒為劒歌

雄對舞青樓妓雙鬟白玉童行雲且莫去留醉楚王宮

齊賢曰謝元暉有鼓吹曲蔡邕曰鼓吹歌軍樂也謂之短簫鐃歌黃帝岐伯所作士贇曰白玉童言其童之顏

如玉也

流夜郎至江夏陪長史叔及薛明府宴興德寺

南閣

紺殿橫江上青山落鏡中岸迴沙不盡日映水成空天

樂流

一作聞

香閣蓮舟颺晚風恭陪竹林宴留醉與陶公

齊賢曰說文紺深青色齊景公造蓮舟令宮人綵衣撐之以闢名競渡亦名花競陶潛性嗜酒家貧不能常得親舊知其如此或置酒招之造飲輒盡期必醉而退曾不吝情

泛沔州城南郎官湖

并序

乾元歲秋八月白遷於夜郎遇故人尚書郎張謂  
出使夏口沔州牧杜公漢陽宰王公觴於江城之

南湖樂天下之再平也方夜水月如練清光可掇  
張公殊有勝槩四望超然乃顧白曰此湖古來賢  
豪遊者非一而枉踐佳景寂寥無聞夫子可為我  
標之嘉名以傳不朽白因舉酒酹水號之曰郎官  
湖亦猶鄭圃之有僕射陂也席上文士輔翼岑靜  
以為知言乃命賦詩紀事刻石湖側將與大別山  
共相磨滅焉

張公多逸興共泛沔城隅當時秋月好不減武昌都四

座醉清光為歡古來無郎官愛此水因號郎官湖風流

若未減名與此山俱

齊賢曰漢陽本沔州武德四年以沔陽郡之漢陽沔川二縣置武昌

在鄂州五百三十里孫權故都羊祜鎮襄陽樂山水每風景必造岷山置酒嘗慨然嘆息謂中郎鄒湛等曰自有宇宙便有此山由來賢達勝士登此如我與卿等多矣皆湮滅無聞使人悲傷湛曰公令聞令望必與此山俱若湛輩乃當如公言耳

陪侍郎叔遊洞庭醉後三首

今日竹林宴我家賢侍郎三杯容小阮醉後發清狂

齊賢

曰嵇康與山濤阮籍兄子咸王戎向秀劉伶為竹林之遊世謂竹林七賢咸字仲容雖處世不交人事惟共親

知絃歌酣宴而已籍子運有父風少慕通達不飾小節  
籍謂曰仲容已豫吾此流汝不得復爾士贊曰蘇林曰  
凡狂者陰陽脈盡濁今此人  
不狂似狂者故言清狂也

## 其二

船上齊桡樂湖心泛月歸白鷗閒不去爭拂酒筵飛

賢齊

曰楚詞注桡小楫也方言  
曰楫謂之桡或謂之棹

## 其三

剡却君山好平鋪湘水流巴陵無限酒醉殺洞庭秋

賢齊

曰君山在洞庭東距巴陵四十里登岳陽樓望之橫陳  
其間君山之後乃大湖渺茫無際直抵沅澧鼎三州

夜泛洞庭尋裴侍御清酌

日晚湘水綠孤舟無端倪明湖漲秋月獨泛巴陵西遇  
憩裴逸人巖居陵丹梯抱琴出深竹為我彈鷓鴣曲盡

酒亦傾北牕醉如泥人生且行樂何必組與珪

齊賢曰  
湘水巴

陵事見前丹梯山名鷓鴣  
曲名古琵琶絃用鷓鴣筋

陪族叔刑部侍郎曄及中書賈舍人至遊洞庭

五首

洞庭西望楚江分水盡南天不見雲日落長沙秋色遠

不知何處弔湘君

齊賢曰岷江從西來至岳陽樓前與洞庭之水合而東行潭州長沙郡在

洞庭上流三百餘里河圖王版曰堯之二女為舜妃死葬於此塚在縣北一百六十里青草山士贇曰此時賈至貶岳州司馬與白均是逐臣邂逅而為洞庭之遊作是詩也亦屈原賸顧宗國繫心懷王之意乎時帝在西京故曰西望也楚江分者有秦楚之隔也水盡南天不見雲者猶晉明帝所謂舉目只見日不見長安之義雲者就之如日望之如雲之義亦謂南天隔遠西望吾君不可得而見也日落長沙秋色遠者謂晚景而遭末造之時也遠者日以疎遠也不知何處弔湘君者蓋舜之葬也二妃不得從焉是又即湘君之事而重感明皇王后楊妃之事故曰不知何處也寄興深遠無非憂君憂國之意而全不著迹其得國風之體與晦庵所謂聖於詩者此之謂矣

其二

南湖秋水夜無煙耐可乘流直上天且就洞庭賒月色  
將船買酒白雲邊

其三

洛陽才子謫湘川元禮同舟月下仙記得長安還欲笑

不知何處是西天

齊賢曰後漢郭泰歸鄉李膺送之同舟而濟衣冠望之若神仙元禮李膺

字也士贇曰賈生洛陽之才子按唐書本傳賈至字又鄰元宗幸蜀拜起居舍人知制誥歷中書舍人至德後坐小法貶岳州司馬太白故以賈生事比之也此詩雖遊賞之作然末句隱然有瞻顧宗國繫心君王之意其



視前輩所評杜甫之詩一飯不能忘其君者夫何歟之有哉

### 其四

洞庭湖西秋月輝瀟湘江北早鴻飛醉客滿船歌白紵

不知霜露入秋衣

齊賢曰白紵歌云皎皎白緒節節為雙蓋吳音呼紵為緒當塗有白苧亭

宋武帝與羣臣會於此為白苧之歌

### 其五

帝子瀟湘去不還空餘秋草洞庭間淡掃明湖開玉鏡

丹青畫出是君山

齊賢曰帝子堯女舜妃也青草湖在金沙堆上堆下即洞庭君山居洞庭

東正對岳陽自滿湘來  
望之如脩眉見於鏡中

楚江黃龍磯南宴楊執戟治樓

五月入五洲碧山對青樓故人楊執戟春賞楚江樓一

見波漂月三杯歌棹謳桂枝攀不盡他日更相求

士贊曰執

戟事見  
二卷

銅官山醉後絕句

我愛銅官樂千年未擬還要須迴舞袖拂盡五松山

賢齊

曰唐宣州南陵縣武德四年隸池州州廢屬宣州後  
折置義安縣又廢義安為銅官治內利國山有銅鐵

與南陵常贊府遊五松山

安石泛溟渤獨嘯長風還逸韻動海上高情出人間靈

異可並跡澹然與世閒

齊賢曰世說謝安石與孫興公汎海吟笑事見前

我來

五松下置酒窮躋攀徵古絕遺老因名五松山五松何

清幽勝境美沃州蕭颯鳴洞壑終年風雨秋響入百泉

去聽如三峽流剪竹掃天花且從傲吏遊龍堂若可憩

吾欲歸精修

齊賢曰高僧傳支遁投跡剡山於沃州東嶺立寺行道晚移石城山有精舍在南陵

銅井西

五里

宣城青溪

一云入清溪山

青溪勝桐廬水木有佳色山貌日高古石容天傾側綵

鳥昔未名白猿初相識不見同懷人對之空嘆息

齊賢曰桐

廬縣新安東陽二水合於此仍東流為浙江

與謝良輔遊涇川陵巖寺

乘君素舸泛涇溪宛似雲門對若溪且從康樂尋山水

何必東遊入會稽

齊賢曰唐宣州涇縣以涇溪而名若耶溪雲門在越州會稽縣南

遊水西簡鄭明府

天宮水西寺雲錦照東郭清湍鳴迴溪綠水繞飛閣涼  
風日瀟洒幽客時憩泊五月思貂裘謂言秋霜落石蘿  
引古蔓岸筍開新籜吟翫空復情相思爾佳作鄭公詩  
人秀逸韻橫寥廓何當一來遊愜我雪山諾

士贇曰五  
月思貂裘

此極涼之  
形容也

### 九日登山

淵明歸去來不與世相逐為無杯中物遂偶本州牧因  
招白衣人笑酌黃花菊

齊賢曰陶潛賦歸去來事見前  
刺史王宏欲識潛往廬山令其

故人龐通之齋酒具於半道栗里邀之潛有脚疾使一門生一兒舉籃輿及至欣然便共飲酌俄頃宏至亦無忤也晉陽秋曰陶潛九日無酒出宅邊叢菊中坐久之望見白衣人來乃刺史王宏送酒即便就酌盡醉而後歸我來不得意虛過重陽時題輿何俊發遂結城南期

築土按響山俯臨宛水湄胡人叫玉笛越女彈霜絲自作英王胄斯樂不可窺赤鯉湧琴高白龜道馮夷靈仙

如彷彿奠酌遙相知

齊賢曰霜絲白絲也列仙傳琴高趙人以鼓琴為宋康王舍人行涓

彭之衍遊冀州涿郡問二百餘年後辭入涿水中取龍子與弟子期曰候我於水傍祠屋果乘赤鯉來會祠中留月餘復入水去九域志宣州琴溪即琴高控鯉之地山海經從極之川水夷常都焉水夷人面而乘龍郭璞

曰水夷  
馮夷也

古來登高人今復幾人在滄洲違宿諾明日猶

可待連山似驚波合沓出溟海揚袂揮四座酩酊安所

知齊歌送清揚起舞亂參差賓隨落葉散帽逐秋風移

別後登此臺願言長相思

齊賢曰孟嘉為桓溫參軍九月九日遊龍山嘉醉有風吹

落帽而  
不知

九日

今日雲景好水綠秋山明攜壺酌流霞音塞菊泛寒榮

地遠松石古風揚絃管清窺觴照歡顏獨笑還自傾落

帽醉山月空歌懷友生

齊賢曰說文  
褰拔取也

九日龍山飲

九日龍山飲黃花笑逐臣醉看風落帽舞愛月留人

齊賢

曰九域志太平州治當塗有龍山即桓溫九月九日登此置酒風吹孟嘉帽落處士贊曰禮記月令季秋之月菊有黃華

九月十日即事

昨日登高罷今朝更舉觴菊花何太苦遭此兩重陽

陪族叔當塗宰遊化城寺升公清風亭



化城若化出金榜天宮開疑是海上雲飛空結樓臺升

公湖上

一作山

秀粲然有辯才濟人不利己立俗無嫌猜

了見水月中青蓮出塵埃閒居清風亭左右清風來當

暑陰廣殿太陽為徘徊

齊賢曰列子曰周穆王時西極之國有化人來謁王同遊王執

化人之祛騰而上者中天廼及化人之宮構以金銀絡以珠玉出雲雨之上王實以為清都紫微鈞天廣樂帝之所居晉志海旁蜃氣象樓臺廣野氣成宮闕升公化城寺僧也士贇曰維摩詰經菩薩云何觀於衆生維摩詰言菩薩觀衆生如智者見水中月寶積偈曰目淨修廣如青蓮

茗酌待幽客珍盤薦

彫梅飛文何灑落萬象為之摧李父擁鳴琴德聲布雲雷

雖遊道林室亦舉陶潛杯清樂動諸天長松自吟哀留

歡若可盡劫石乃成灰

齊賢曰當塗宰李陽水乃太白之叔為季父士贇曰高僧竺法

蘭傳云昔漢武帝穿昆明池底得黑灰問東方朔朔云可問西域梵人後漢竺法蘭既至衆人追問之蘭云世界終盡劫火洞燒此灰是也

李太白集分類補註卷二十

欽定四庫全書

李太白集分類補註卷二十一

宋 楊齊賢 集註

元 蕭士贇 補註

登覽

登錦城散花樓

日照錦城頭朝光散花樓金窗夾繡戶珠箔懸銀鉤飛  
梯綠雲中極目散我憂一作愁暮雨向三峽春江繞雙流

欽定四庫全書

卷二十一

今來一登望如上九天遊

齊賢曰成都記府城亦呼為錦官城以江山明麗錯雜如

錦散花樓在摩訶池上蜀王秀所建三峽明月峽巴峽巫峽蜀都賦帶二江之雙流註蜀守李冰鑿離堆穿兩

江為人開田百姓享其利士贊曰三秦記明光宮皆珠璣為簾箔

登峨眉山

蜀國多仙山峨眉邈難匹周流試登覽絕怪安可息青

冥倚天關彩錯疑畫出冷然紫霞賞果得錦囊術雲間

吟瓊簫石上弄寶瑟平生有微尚歡笑自此畢烟谷如

在顏塵累忽相失儻逢騎羊子攜手凌白日

齊賢曰峨眉縣在嘉

州西九十里唐折嘉州置眉州大峨之中有普賢閣背倚白崖峯餘十七峯共環之有茂真尊者舊庵在峯下其傍一峯號呼應孫思邈所往來傳云茂真與孫嘗相呼而應故名大峨之巔一名勝峯山佛書以為普賢大士所居西王母出紫錦囊隱地八術經授茅君事見前郡國志吳孫皓時滕脩為廣州刺史未至州有五仙人騎五色羊來迎

## 大庭庫

朝登大庭庫雲物何蒼然莫辨陳鄭火空羆鄒魯煙我來尋梓慎觀化入寥天古木翔氣多松風如五絃帝圖終冥沒歎息滿山川

齊賢曰杜預左傳注大庭氏古國名在魯城內魯於其庭作庫高顯

故登以望氣昭公十八年五月宋衛陳鄭皆火梓慎  
登大庭之庫望之曰宋衛陳鄭也數日皆來告火

登單父陶少府半月臺

陶公有逸興不與常人俱築臺像半月迴向

一作出

高城

隅置酒望白雲商

一作高

颺起寒梧秋山入遠海桑柘羅

平蕪水色淥且明

一作清

令人思鏡湖終當過江去愛此

暫踟躕

天台曉望

天台鄰四明華頂高百越門標赤城霞樓棲滄島月憑

高登遠覽直下見溟渤雲垂大鵬翻波動巨鼇沒風潮  
爭湧湧神怪何翕忽觀奇跡無倪好道心不歇攀條摘

朱實服藥鍊金骨安得生羽毛千春卧蓬闕

齊賢曰抱朴子曰金

丹鍊人身體故能令人不老不死士贇曰臨海記云天台  
山超然秀出山有八重視之如一高一萬八千丈周  
回八百里洞天福地記云天台山名上清玉平之天即  
桐栢真人所居亦名桐栢山四明山在今明州西八十  
里山有峯最高四穴在峯上每天色晴霽望之如戶牖  
相倚華頂峯在天台縣東北六十里蓋天台第八重最  
高其高一萬丈絕頂東望滄海俗號望海尖草木薰郁  
殆非人世赤城山在天台縣東六里一名燒山其上石  
壁皆如霞色望之如雉堞然其後人以此名之

早望海霞邊

四明三千里朝起赤城霞日出紅光散分輝照雪厓一  
冷嚙瓊液五內發金沙舉手何所待青龍白虎車

齊賢曰瀑

布山天台之西南峯水從南巖懸注望之如曳布即雪厓也神仙傳沈羲吳郡人得道帝令遣仙官薄延乘白鹿車司馬生乘青龍車徐福乘白虎車召羲共載升天士贇曰魏柏陽參同契曰薰蒸入五內顏色悅澤好

焦山望松寥山

齊賢曰焦山在鎮江府大江中

石壁望松寥宛然在碧霄安得五綵虹駕天作長橋仙人如愛我舉手來相招



杜陵絕句

南登杜陵上北望五陵間秋水明落日流光滅遠山

齊賢

曰班固西都賦南望杜霸北眺五陵

登太白峯

西上太白峯夕陽窮登攀太白與我語為我開天關願  
乘冷風去直出浮雲間舉手可近月前行若無山一別

武功去何時復見還

齊賢曰唐志鳳翔府郿縣有太白山鬼谷子於此授蘇秦佐國之術

錄異記金星之精墜於終南圭峯西因號太白山其精化為白石狀如美玉時有紫氣覆之天寶中元宗立玄

元廟夢神人曰太白北谷有玉石可琢取之紫氣見處是也使求得之琢象高二丈士贊曰毛詩註曰山西曰陽夕

登邯鄲洪波臺置酒觀發兵

我把兩赤羽來遊燕趙間天狼正可射感激無時閒觀  
兵洪波臺倚劒望玉關請纓不繫越且向燕然山風引  
龍虎旗歌鐘昔追攀擊筑落高月投壺破愁顏遙知百  
戰勝定掃鬼方還

齊賢曰家語赤羽若日白羽若月晉志狼一星在東井東南狼為野將主

剽掠弧星在狼東南主備盜賊常向於狼終軍字子雲南越與漢和親軍自請願受長纓必羈南越王致之關

下軍遂往說越王王請舉國南屬天子大說實憲遣閻  
盤等與北單于戰于稽落山大破之於是八十一部率  
衆降登燕然山刻石勒功令班固作銘樂書筑類其頸  
細其肩圓以竹擊之祭遵為將軍取士皆用儒術對酒  
設樂必雅歌投壺鬼方國名

### 登新平臺

去國登茲樓懷歸傷暮秋天長落日遠水淨寒波流秦  
雲起嶺樹胡鴈飛沙洲蒼蒼幾萬里目極令人愁

### 謁老君廟

先君懷聖德靈廟肅神心草合人蹤斷塵濃鳥跡深流

沙丹竈滅關路紫煙沉獨傷千載後空餘松栢林

齊賢曰關

令尹喜望紫氣知老子入關與俱之流沙事詳見前卷士贇曰唐祖老子故白稱為先君

### 秋日登揚州西靈塔

寶塔凌蒼蒼登攀覽四荒頂高元氣合標出海雲長萬  
象分空界三天接畫梁水搖金剝影日動火珠光鳥拂  
瓊簾度霞連綉栱張目隨征路斷心逐去帆揚露浴梧  
楸白霜摧橘柚黃玉毫如可見於此照迷方

齊賢曰鎧  
婆利國自

交州浮海而至多火珠大者如雞卵  
白照數尺日中以艾藉珠輒火出

登金陵冶城西北謝安墩

此墩即晉太傅謝安與右軍王羲之同登

超然有高世之志余將營園其上故作是詩也

晉室昔橫潰永嘉逐南奔沙塵何茫茫  
龍虎鬪朝昏胡

馬風漢草天驕蹙中原

齊賢曰晉永嘉五胡亂華元帝南渡事見前光武紀四夷雲集

龍鬪野史記匈奴天之驕子

哲匠感頽運雲鵬忽飛翻組練照楚國

旌旗連海門西秦百萬衆戈甲如雲屯  
投鞭可填江一

掃不足論

一作投策

皇運有返正醜虜無遺魂談笑遏橫流

蒼生望斯存冶城訪古跡

一作至今古城隅

猶有謝安墩憑覽

周地險高標絕人喧想像東山姿緬懷右軍言

齊賢曰

謝安也左傳楚子重伐吳使鄧廖率組甲三百被練三千杜預注組甲漆甲成組文被練練袍西秦符堅也堅以百萬之衆伐晉以吾之衆投鞭於河足斷其流謝安遣謝元等拒敵敗之謝安在東山人曰安石不起當如蒼生何至此果能慰蒼生也治城在建康右軍羲之也士贇曰易曰地險山川丘陵也高標高枝也

梧桐

識嘉樹蕙草留芳根白鷺映春洲青龍見朝暾地古雲

物在臺傾禾黍繁我來酌清波於此樹名園功成拂衣

去歸入

一作長嘯

武陵源

齊賢曰白鷺洲在金陵城下秦淮之外青龍蒼龍之宿角亢氏房心

尾箕也黍離詩周大夫行役過故宗廟宮室盡為禾黍武陵源在今常德府

登瓦官閣

晨登瓦官閣極眺金陵城鍾山對北戶淮水入南榮漫  
漫雨花落嘈嘈天樂鳴兩廊振法鼓四角吟一作風吹一作風箏

杳出霄漢上仰攀日月行山空霸氣滅地古寒陰生寥

廓雲海晚蒼茫宮觀平門餘閭闔字樓識鳳凰名雷作

百山動神扶萬拱傾靈光何足貴長此鎮吳京齊賢曰瓦官閣

事見前卷雨花臺在長干梁武時有僧講經於此天雨  
寶花霸氣六朝也吳有閭闔門宋元嘉有異鳥來集于

此因建鳳凰  
臺有鳳凰樓

登梅岡望金陵贈族姪高座寺僧中

享

鍾山抱金陵霸氣昔騰發天開帝王居海色照宮闕羣  
峯如逐鹿奔走相馳突江水九道來雲端遙明沒時遷

大運去龍虎勢休歇

齊賢曰荆通曰秦失其鹿天下共逐此借以喻山之形也孔安國曰

江於此州界分為九道

我來屬天清登覽窮楚越吾宗挺禪伯特

秀鸞鳳骨

一作吾宗道門秀特異鸞鳳骨

衆星羅青天明者獨有月冥

居順生理草木不剪伐煙窓引薔薇石壁老野蕨吳風

謝安屐白足傲履襪

齊賢曰傳曰明星之多不如一月之光晉書謝玄等既破苻堅驛書



至安喜還內過戶闕不覺屐齒之折釋曇足  
白於面跋涉泥水未嘗汗時稱白足和尚  
幾宿一下

山

一作下山來

蕭然忘干謁談經演金偈降鶴舞海雪時聞

天香來了與世事絕佳遊不可得春風惜遠別賦詩留  
巖屏千載庶不滅

### 登金陵鳳凰臺

鳳凰臺上鳳凰遊鳳去臺空江自流吳宮花草埋幽徑  
晉代衣冠成古丘三山半落青天外二水中分白鷺洲  
總為浮雲能蔽日長安不見使人愁

齊賢曰宋元嘉中  
王觀見異鳥集于

欽定四庫全書

李太白集分刻補註  
卷二十一

山時謂鳳凰遂起臺於山孫權始都建業元帝南渡號  
為東晉三山及白鷺洲事見前士贇曰此詩因懷古而  
動懷君之思乎抑亦自傷譏廢望帝鄉而不  
見乃觸境而生愁乎太白之志亦可哀也

望廬山瀑布水二首

西登香爐峯南見瀑布水挂流三百丈噴壑數十里歛

如飛電來隱若白虹起初驚河漢

一作銀河

落半灑雲天裏

一作半瀉  
金潭裏

仰觀勢轉雄壯哉造化功海風吹不斷江

一作

山月還照空空中亂灑射左右洗青壁飛珠散輕霞流

沫沸穹石而我樂名山對之心益閒無論漱瓊液還得

洗塵顏且諧宿所好永願辭人間

齊賢曰遠法師廬山記云山東南有香爐

山孤峯秀起游氣籠其上若烟梁昭明太子之所棲隱也唐元宗始號開先山南山北有瀑布無慮十餘處香爐峯與雙劍峯在瀑布之傍水源在山頂人未有窮者或曰西入康王谷為水簾東為開先之瀑布淥水會也

## 其二

日照香爐生紫煙遙看瀑布挂前川飛流直下三千尺

疑是銀河落半天

一本題云望廬山香爐峯瀑布曰廬山上與星斗連日照香爐生紫煙下

兩句同齊賢曰蘇東坡詩話僕初入廬山有以陳令舉廬山記見寄者且行且讀見其中有徐頰和李白詩不覺失笑開先寺主求詩為作一絕云帝遣銀河一派垂古來唯有謫仙詞飛流濺沫知多少不為徐癡洗惡詩

登廬山五老峯

廬山東南五老峯青天削出金芙蓉九江秀色可攬結

吾將此地巢雲松

齊賢曰潯陽記山北有五峯於廬山最為峻極其形如河中虞卿縣前五

老之形故名

江上望皖公山

奇峯出奇雲秀木含秀氣清宴皖公山巉絕稱人意獨

遊滄江上終日淡無味但愛茲嶺高何由討靈異默然

遙相許欲往心莫遂待吾還丹成投跡歸此地

齊賢曰唐舒州

同安郡治懷寧縣武德五年析置皖陽有皖山宿松縣  
武德四年為嚴州八年廢九域志宿松在舒州西南百  
四十里僧繁大師以白衣謁二祖既  
得法隱于皖公山今墓在山谷寺後

### 望黃鶴樓

東望黃鶴山雄雄半空出四面生白雲中峯倚紅日巖  
巒行穹跨峯嶂亦冥密頗聞列仙人於此學飛術一朝  
向蓬海千載空石室金竈生烟埃玉潭祕清謐地古遺  
草木庭寒老芝朮蹇予羨攀躋因欲保閒逸觀奇徧諸  
嶽茲嶺不可匹結心寄青松永悟客情畢

士贇曰相如傳洞仙之儒

居山澤間形容甚臞列仙傳赤松子  
常止西王母石室中青松喻真性也

### 鸚鵡洲

鸚鵡來過吳江水江上洲傳鸚鵡名鸚鵡西飛隴山去

芳洲之樹何青青烟開蘭葉香風暖岸夾桃花錦浪生

遷客此時徒極目長洲孤月向誰明

齊賢曰鸚鵡洲  
在郢州江中

### 九日登巴陵置酒望洞庭水軍

九日天氣清登高無秋雲造化闢川嶽了然楚漢分長

風鼓橫波合省感龍文憶昔傳遊豫樓船壯橫汾今茲

討鯨鯢旌旆何繽紛白羽落酒樽洞庭羅三軍黃花不  
掇手戰鼓遙相聞劒舞轉頽陽當時日停曛酣歌激壯  
士可以摧妖氛握齬初角切東籬下淵明不足羣齊賢曰時賊逼  
華容縣故軍于洞庭以為長沙鄂岳之蔽士贇曰淮南  
子虞公與夏戰日欲落公以劒指日日還不落應劭曰  
握齬急促之貌此言淵明不足羣者蓋用武  
之時儒士必為所輕太白其以淵明自況乎

### 秋登巴陵望洞庭

清晨登巴陵周覽無不極明湖映天光徹底見秋色秋  
色何蒼然際海俱澄鮮山青滅遠樹水綠無寒烟來帆

出江中去鳥向日邊風清長沙浦山空雲夢田瞻光惜  
顏髮閱水悲徂年北渚既蕩漾東流自潺湲郢人唱白  
雪越女歌採蓮聽此更腸斷厓淚如泉

齊賢曰寰宇記昇屠巴蛇

於洞庭其骨若陵故曰巴陵長沙雲夢郢人白雪越女採蓮事見前

### 與夏十二登岳陽樓

樓觀岳陽盡川迴洞庭開鴈引愁心去

一作鴈別山銜

好月來雲間連下榻天上接行杯醉後涼風起吹人舞

袖迴



登巴陵開元寺西閣贈衡岳僧方外

衡嶽有闡士五峯秀真骨見君萬里心海水照秋月大臣南溟去問道皆請謁洒以甘露言清涼潤肌髮明朝

落天鏡香閣凌銀闕登眺食惠風新花期啓發

齊賢曰寶積經

云有風輪名清涼能使一雲普覆三千大千世界士贇曰真骨事見前卷

與賈至舍人於龍興寺翦落梧桐枝望澨湖

翦落青梧枝澨湖坐可窺雨洗秋山淨林光澹碧滋水

開明鏡轉雲繞畫屏移千古風流事名賢共此時

齊賢曰郡

國志夏潦奔注則溢為  
此湖冬則涸為平野

挂席江上待月有懷

待月月未出望江江自流倏忽城西郭青天懸玉鉤素

華雖可攬清景不同遊耿耿金波裏空瞻鵲樓

齊賢曰漢

書注鵲鵲觀在雲陽甘泉宮士贇曰按此詩亦身在江海心存魏闕之意乎讀者忽之使白心不白於後世惜哉

金陵望漢江

漢江迴萬里派作九龍盤橫潰豁中國崔嵬飛迅湍六

帝淪亡後三吳不足觀我君混區宇垂拱衆流安今日

任公子滄浪罷釣竿

齊賢曰江南六帝吳晉宋齊梁陳通典吳郡吳興丹陽為三吳任公

子為大釣釣

魚事見前

### 秋登宣城謝朓北樓

江城如畫裏山晚望晴空兩水夾明鏡雙橋落彩虹人

烟寒橘柚秋色老梧桐誰念北樓上臨風懷謝公

齊賢曰謝

公謝朓也

### 望天門山

天門中斷楚江開碧水東流至北迴兩岸青山相對出

孤帆一片日邊來

齊賢曰輿地志博望梁山東西隔江相對如門相去數里謂之天門

望木瓜山

早起見日出暮見棲鳥還客心自酸楚況對木瓜山

齊賢

曰木瓜河起六合縣通天長縣

登敬亭北二小山余時客逢崔侍御並登此地

送客謝亭北逢君縱酒還屈盤戲白馬大笑上青山迴

鞭指長安西日落秦關帝鄉三千里杳在碧雲間

齊賢曰謝

亭謝眺亭也秦閼謂函谷墉坻二閼也士贇曰帝鄉指  
京師也按白此詩其亦身在江海心在魏闕之意乎食  
息不忘君豈特杜甫為然迄今  
數百載未有發明之者惜哉

### 過崔八丈水亭

高閣橫秀氣清幽併在君簷飛宛溪水窓落敬亭雲  
猿嘯風中斷漁歌月裏聞閒隨白鷗去沙上自為羣

齊賢曰宛

溪敬亭山  
皆隸宣城

### 登廣武古戰場懷古

秦鹿奔野草逐之若飛蓬項王氣蓋世紫電明雙瞳呼

吸八千人橫行起江東赤精斬白帝叱咤入關中兩龍  
不並躍五緯與天同楚滅無英圖漢興有成功按劔清

八極歸酣歌大風

齊賢曰史記蒯通對高帝曰秦失其鹿天下共逐高材疾足者先得焉張

晏曰以鹿喻帝位也史記項羽重瞳子漢書項梁為會稽守籍為裨將廣陵人召平為陳王狗廣陵未下聞陳敗乃渡江矯陳王命拜梁楚王上柱國曰江東已定急引兵西擊秦梁乃以八千人渡江而西高祖被酒夜徑澤中行前者還報有大蛇當徑高祖乃拔劔斬蛇行數里醉因卧後人來至蛇所有一老嫗夜哭人問何哭曰吾子白帝子化為蛇當道今為赤帝子斬之故哭忽不見關中言東自函谷西至隴坻兩關相去千里皆秦地故曰關中兩龍羽與高祖也漢志元年十月五星聚于東井以歷推之從歲星也孟康曰歲星先至為主故客

謂張耳曰東井秦地漢王入秦五星從歲星聚當以義  
取天下高祖擊布還過沛置酒沛宮酒酣自擊筑歌曰  
大風起兮雲飛揚威  
加海內兮歸故鄉  
伊昔臨廣武連兵決雌雄分我一

杯羹太皇乃汝翁戰爭有古跡壁壘頽層穹猛虎吟洞

壑饑鷹鳴秋空翔雲列曉陣殺氣赫長虹撥亂屬豪聖


俗儒安可通沉湎呼豎子狂言非至公撫掌黃河曲嗤

嗤阮嗣宗

齊賢曰漢四年破楚大司馬曹咎於成皐汜  
上羽乃引兵還相與臨廣武之間漢軍廣武

就廩倉食羽亦軍廣武相守為高祖置太公其上曰今  
不急下吾烹太公漢王曰吾與若俱北面受懷王約為  
兄弟吾翁即若翁必欲烹而翁幸分我一杯羹相持未  
決羽曰天下匈匈數歲者徒以吾兩人耳願與漢王挑

戰決雌雄漢王笑謝曰吾寧闕智不闕力晉阮嗣宗嘗  
登廣武見楚漢戰處嘆曰時無英雄使豎子成名太白  
謂籍沉湎于酒狂言妄吁  
如咄咄之氓不足據也



李太白集分類補註卷二十一